

Surat khabar: Utusan Sarawak (Stail)
Hari/Tarikh: 20/6/2016
Muka surat: m7

Tajuk : Majlis Iftar Jamaie Unimas

Majlis Iftar Jamaie Unimas



UCAPAN perasmian oleh Profesor Dato' Dr Mohamad Kadim Suaidi semasa Majlis Iftar Jamaie UNIMAS 2016.

PUSAT Islam Tun Abang Salahuddin (PITAS) dengan kerjasama Pejabat Naib Canselor Universiti Malaysia Sarawak (Unimas) telah menganjurkan Majlis Iftar Jamaie Unimas.

Majlis tersebut telah dihadiri oleh warga dan pelajar Unimas termasuk Pengerusi Lembaga Pengarah Unimas, Datu Dr Hatta Solhi, Naib Canselor UNIMAS, Profesor Dato' Dr Mohamad Kadim Suaidi, Timbalan-timbalan Naib Canselor dan Pegawai-pegawai kanan Unimas yang lain.

Para jemputan juga diajak sekali menunaikan solat Maghrib dan Isyak berjemaah serta solat tarawih berjemaah.

Dalam majlis sama, turut diadakan penyampaian sumbangan berupa wang ringgit dari Persatuan Wanita Universiti Malaysia Sarawak (Masnita) kepada 25 orang terdiri dari warga emas, OKU dan anak yatim dari Kampung Pinang Jawa, Kuching, 33 orang kanak-kanak dari Madrasah Darul Ulum dan 11 pelajar Unimas.

Pihak PITAS turut menyampaikan sumbangan berupa barangan keperluan dapur kepada 20 keluarga dari beberapa kampung seperti Kampung Muara Tuang, Kampung Sindang, Kampung Tanjung Tuang, Kampung Niup dan Kampung Melayu.

Antara objektif majlis ini diadakan adalah untuk mela-



DATU Hatta (tiga dari kiri) menyampaikan sumbangan kepada wakil kampung.

hirkan semangat kekeluargaan dan kekitaan dalam kalangan warga Unimas serta masyarakat sekitar sekali gus membuka peluang untuk warga Unimas terbuka puasa bersama-sama pada Ramadan ini.

Berucap di majlis itu, Profesor Dato' Dr Mohamad Kadim Suaidi berkata, pihaknya dalam proses pembukaan

tender untuk menaik taraf hiasan dalaman Dewan Solat serta menambah Mehrab dan hiasan Khat di sekeliling kubah dan Dewan Solat.

"Sama-samalah kita berdoa agar di Ramadan tahun hadapan kita akan bersama-sama menjalankan ibadah dalam suasana yang lebih indah, dengan Mehrab dan Khat baharu

yang bakal menghiasi dalaman dewan solat," katanya.

Katanya, dengan keberadaan Unimas di Kota Samarahan, kita tidak pernah melupakan warga masyarakat sekitar kampus Unimas.

"Dengan yang demikian kita juga menjemput agensi-agensi luar, wakil seperti Ketua Kaum dan Penghulu serta keluarga

terpilih dari kampung-kampung sekitar Unimas.

"Di bulan Ramadan yang serba indah ini, kita akan menyaksikan penyampaian sumbangan Unimas serta Masnita untuk para wakil dari kampung dan badan-badan seperti Madrasah Tahfiz yang diundang khas untuk bersama semua di majlis ini," katanya.